

# Fréttabréf FNS, september 2018.



Sælir kæru félagar í Félagi náms- og starfsráðgjafa.

Starfið í FNS er að fara á fulla ferð eftir sumarið og vonum við að veturinn verði viðburðaríkur, skemmtilegur og árangursríkur fyrir félagið okkar.

Við byrjuðum 31. ágúst á **fundi með nefndum og ráðum** þar sem farið var yfir hlutverk bæði félagsins og einstaka nefnda og ráða. Unnið var í hópum þar sem hugmyndirnar flugu og lögð voru drög að stefnu og dagskrá félagsins í vetur.

Fræðslunefndin reið á vaðið og stóð fyrir **haustfundi** í dag (mánudaginn 24. september) sem bar yfirskriftina „Fyrsta hjálp við kvíða“ þar fjallaði Steinun Anna Sigurjónsdóttir sálfræðingur um kvíða og ráð við honum á snilldarlegan hátt.

**Dagur náms- og starfsráðgjafar** verður föstudaginn 9. nóvember á hótél Natura. Fræðslunefndin ber hita og þunga af skipulagningu dagskrár og verður hún birt um leið og hún verður tilbúin. Stjórnin tók þá ákvörðun að félagsmenn (þeir sem greitt hafa félagsgjöld) fái 20% afslátt af þátttökugjaldi dagsins.

**Félagsgjöldin** eru hryggjarstykkið í rekstri félagsins og standa straum af þeim viðburðum sem boðið er upp á. Hingað til hefur eingöngu verið þátttökugjald á Dag náms- og starfsráðgjafar, en tekin hefur verið sú ákvörðun að **þeir sem ekki eru félagsmenn greiði inn á viðburði** sem haldnir eru í nafni FNS, t.d. viðburði á vegum fræðslunefndar og fagráða. Ástæða þessa er einfaldlega sú að við sem manneskjur eigum það til að fresta og jafnvel gleyma atriðum eins og að borga reikning í heimabankanum. En félagsgjöldin hafa ekki skilað sér alveg nógu vel síðustu árin. Við viljum því hvetja alla til að greiða félagsgjaldið sem fyrst ☺

Að endingu viljum við minna ykkur á að nota við hvert tækifæri **kynningarefnið** frábæra sem er að finna á heimasíðunni <https://fns.is/kynningarefni>

Hlökkum til að starfa með ykkur í vetur,  
f.h. stjórnar FNS  
Helga Tryggva, formaður

FÉLAG NÁMS-  
OG STARFSRÁÐGJAJA

